

ՅԵՐԵՎԱՆԻ ՊԵՏԱԿԱՆ ՀԱՄԱԼԱՍՐԱՆ

№ 1 ԳԻՏԱ-ՊԵՊՈՒԼՅԱՐ ՍԵՐԻԱ № 1


ԱԿԱԴԵՄ. ՀԱԿՈՐ ՄԱՆԱՆԴՅԱՆ

ԺՈՂՈՎՐԴԱԿԱՆ ԱՊՏԱՄԲՈՒԹՅՈՒՆՆԵՐԸ
ՀԱՅԱՍՏԱՆՈՒՄ
ԱՐԱԲԱԿԱՆ ՏԻՐԱՊԵՏՈՒԹՅԱՆ ԴԵՄ

ՊԵՏՀԱՄԱԼՍԱՐԱՆԻ ՀՐԱՏԱՐԱԿԶՈՒԹՅՈՒՆ

ՅԵՐԵՎԱՆ

1939



ԱԿԱԴԵՄ. ՀԱԿՈՒ ՄԱՆԱՆԴՅԱՆ

ԺՈՂՈՎՐԴԱԿԱՆ ԱՊՍԱՄԲՈՒԹՅՈՒՆՆԵՐԸ
ՀԱՅԱՍՏԱՆՈՒՄ
ԱՐԱՐԱԿԱՆ ՏԻՐԱՊԵՏՈՒԹՅԱՆ ԴԵՄ

Դասախոսություն՝ կարգացված Պետական տարածքի լեկտիումում
1939 թ. մարտի 18-ին, «Ստառնցի Դավթի»
հազարամյակի կապակցությամբ



Պատ. խմբագիր՝ Ա. Հոփհաննիսյան
Տեխ. խմբագիր՝ Զ. Մարտիրոսյան
Սրբագրիչ՝ Մ. Հախնազարյան
Կոնտրոլ սրբագրիչ՝ Վ. Յեսայան

Դրամի լիտի լիազոր ն—2855. Պատվ. № 491, տիրած 2000:

Պետհամալսարանի Հրատարակչ. տպարան, Յերևան, Տեղյան 72:

ԺՈՂՈՎՐԴԱԿԱՆ ԱՊՍԱՄԲՈՒԹՅՈՒՆՆԵՐԸ ՀԱՅԱՍՏԱՆՈՒՄ ԱՐԱԲԱԿԱՆ ՏԻՐԱՊԵՏՈՒԹՅԱՆ ԴԵՄ

Յեկրոպական պատմագիտության մեջ այն կարծիքն է սո-
վորաբար տիրում, վոր իբր թե արևելյան ժողովուրդները հլու
և հնազանդ են լինում միշտ ճնշող բռնակալների հանդեպ: Հռչա-
կավոր գերմանական պատմագետ Թ. Մոմզենը, որինակ, իր Հռո-
մեական պատմության մեջ մատնանշում է, վոր ասիացիներն
անսահման հակում ունեն անդործության և ընդունակ չեն ինք-
նաբերաբար վտուրի յեկնելու շահագործող իշխանությունների
դժմ¹:

Այդ կարծիքը, ինչպես կտեսնենք, բացարձակապես սխալ
է: Նորագույն ուսումնասիրությունները, գլխավորապես ռուս
արևելագետների՝ ակադեմ. Բարտոլդի, պրոֆ. Յակուբովսկու և
ուրիշների, ինչպես և իմ այսորվա դասախոսությունը, պարզ
ապացույց են, վոր ժողովրդական շարժումները և ապստամբու-
թյունները տեղի յեն ունեցել պարբերաբար վնչ միայն միջնա-
դարյան Ռուսաստանում և Արևմտյան Յեկրոպայում, այլև Հա-
յաստանում ու Մերձավոր Արևելքում: Հատկապես արաբական
տիրապետության շրջանում գյուղացիների, արհեստավորների ու
սնգամ ստրուկների ըմբոստացումներն ու ապստամբությունները,
ինչպես ցույց են տվել վերոհիշյալ ռուս գիտնականները, 9—10
դարերում դառել էյին գրեթե անընդհատ:

Յերբ խոսք է լինում այդ շարժումների մասին՝ պետք է
նախ և առաջ ի նկատի ունենալ, վոր մատնանշված ապստամ-
բություններն ունեցել են կամ սոցիալական ու դասակարգային
բնույթ և կամ յեղել են ժողովրդական-ազատագրական շարժում-
ներ ընդդեմ ճնշող ու կեղեքող ոտար տիրապետողների:

Սոցիալական-դասակարգային բնույթի շարժումները Մեր-
ձավոր Արևելքում, ինչպես այժմ պարզված է, գտնվել են, մեծ

¹ Моммзен, „Римская История“, т. II, Москва 1887, էջ 262:

մասամբ, Մազդակյանների ուսմունքի ազդեցութեան տակ, Սասանյան Պարսկաստանի Կալատ թագավորի ժամանակ (488-531թ.)՝ այս ուսմունքը, ինչպես հայտնի յե, անարգել կերպով տարածվել եր Պարսկաստանում և ունեցել եր ժողովրդական ստորին խավերի մեջ հսկայական հաջողութիւն: Իր կրօնական մասում այս աղանդը պարզապէս խառնուրդ եր Զրադաշտական դոկտրինի և պարսկա-քրիստոնեական Մանիքեական աղանդի: Իսկ սոցիալական իր մասում նա քարոզում եր ֆեոդալական դասային արտոնութիւնների վերացում, ընդհանուր հավասարութիւն և գույքերի ու հարստութիւնների, ինչպես և կանանց, հավասար բաշխում բոլոր մարդկանց մեջ: Մազդակի ու նրա հետևորդների ասելով, անհավասարութիւնը չար ու դիվային մի յերևույթ ե, իսկ հավասարութեան հաստատումն արդար մի պահանջ ե և համապատասխանում ե բարի աստծու կամքին:

Կրօնական-սոցիալական այս աղանդի վրա յես հարկավոր համարեցի առանձնապէս կանգ առնել, վորովհետև Մազդակյանները, յենթարկվելով հետագայում, վերոհիշյալ Կալատի թագավորութեան վերջին տարիներում, սոսկալի հալածանքների՝ փախել եյին մասամբ նաև Ատրպատական ու իրենց ուսմունքը տարածել եյին Անդրկովկասում և, ըստ յերևույթին, նաև Հայաստանում: Հայտնի յե արդեն, վոր իններորդ դարի առաջին կեսում Ատրպատականում տարածված պարսիկ Բաբելի և նրա հետևորդների «Խուրամայան» անվանվող աղանդի մեջ ևս կային գույքային հավասարութեան պահանջներ, վոր պետք ե վերագրել, անշուշտ, Մազդակյանների ազդեցութեան: Միանգամայն հնարավոր ե նույնպէս, վոր հայ Պալլիկյան ու Թոնդրակյան աղանդների վրա ևս կարող եյին վորոշ ազդեցութիւն գործած լինել պարսկական այդ աղանդավորները: Սակայն այս խնդիրը կարոտ ե դեռ ուշադիր ու լուրջ քննութեան և փաստական հիմնավորման ու ապացուցման մատենագրական համոզիչ վկայութիւնների ոգնութեամբ:

Տարբեր բնույթի շարժումներ եյին, ինչպէս վերև ասացի, ժողովրդական-ազատագրական շարժումներն ընդդէմ ոտար տիրապետութեան: Յեւ հենց այս կարգի՝ 8—9-րդ դարերի յերկու հայկական մեծ ապստամբութիւններն ընդդէմ արաբական տիրապետութեան գլխավոր նյութն են կազմելու իմ այսօրվա դասախոսութեան: Իսկ հատկապէս կրօնական-սոցիալական բնույթ ունեցող դասակարգային շարժումների մասին Հայաստանում յես խո-

«եկու յեմ հաջորդ իմ դասախոսության. ընթացքում, վորի թեման ե լինելու «Բաղաքները Հայաստանում 10-11-րդ դարերում»:

* * *

Արաբական տիրապետությունը հաստատվել եր Հայաստանում, ինչպես գիտեք, յոթերորդ դարի հիսունական թվականներին սկզբներին: Նոր նվաճողների տիրապետության առաջին շրջանում, սկսած մոտ 650 թվից մինչև 750 թիվը, ուրեմն՝ գրեթե ճիշտ հարյուր տարի՝ Հայաստանը գտնվում եր Ոմեյյան խալիֆաների իշխանության տակ, իսկ 750 թվից սկսած մինչև 887 թիվը, այսինքն՝ մինչև Բագրատունյաց թագավորության հաստատումը՝ նա յենթարկվում եր Աբբասյան տոհմի խալիֆներին: Արաբական տիրապետության առաջին շրջանում խալիֆայության կենտրոնը գտնվում եր Դամասկոսում և գերիշխող դեր էին կատարում նոր աշխարհակալ պետության մեջ Ասորիքի արաբները, իսկ յերկրորդ շրջանում կենտրոնը դառել եր 762 թվին հիմնված Բաղդադ քաղաքը և գերակշիռ դեր էին խաղում Իրաքի արաբները և մահմեդականություն ընդունած պարսիկ ազնվականությունը:

Արաբական նվաճումների և աշխարհակալ ծավալման մասին առանձնապես հետաքրքիր ե արաբական մատենագիր Յակուբի վկայությունը նրա «Գիրք խարաջի մասին» յերկում, վորի մեջ նա Ոմար խալիֆին վերագրում ե հետևյալ ուշագրավ խոսքերը.

«Մահմեդականներն ուտում են նրանց [նվաճվածներին], քանի իրենք կենդանի յեն, իսկ յերը մենք ու նրանք մեռնենք՝ մեր վորդիները կուտեն նրանց [նվաճվածներին] վորդիներին՝ իրենց կենդանության ժամանակ»:

Այս «ուտողներն» ու շահագործողները, իհարկե, առավելապես Ոմեյյան և Աբբասյան խալիֆներն էին և իշխող դասերը, մինչդեռ արաբական ու մահմեդական ժողովրդի ստորին խավերը իրենք ևս գտնվում էին տնտեսական ծանր դրության մեջ:

Ոմեյյանների ժամանակ արաբների տիրապետությունը Հայաստանում, ինչպես և բնակչության,— իհարկե գլխավորապես ստորին խավերի,— տնտեսական ու հարկային շահագործումն ուտար այս աշխարհակալության կողմից յեղել ե, մանավանդ

սկզբնական շրջանում, համեմատաբար մեղմ ու տանելի: Նրանց մեղմ ու զդուշավոր այդ քաղաքականութիւնը բացատրւում է պարզապէս նրանով, վոր Ռմեյաններն ի նկատի յեն ունեցել Հայաստանի ստրատեղիական ու ռազմական մեծ նշանակութիւնը և ուզեցել են, պահպանելով նրա ներքին ինքնուրույնութիւնը և նախարարական նախկին կարգերը՝ ոգտադործել նրա զինվորական ուժերն իրենց նոր սահմանների պաշտպանութեան համար, ընդդէմ Բյուզանդիայի ու խաղարներին: Ռմեյանների այս քաղաքականութեանը կամովին ընդառաջել եյին և իրենք հայկական նախարարութեանները: Տեսնելով, վոր Բյուզանդական կայսրութեան զորքերը գրեթէ անընդհատ պարտութիւն են կրում, և հույս չունենալով ոգնութիւն ստանալու հուշներից՝ նրանք հպատակել եյին խալիֆայութեանը, կնքելով նրա հետ հատուկ պայմանագիր:

Այդ դաշինքը, վորով տրվել եր նախարարութեաններին ներքին ինքնուրույնութիւն՝ կնքված եր 653 թվին Մուավիայի հետ: Թե ինչպիսի մեծ արտոնութիւններ եյին նրանք ստացել՝ այդ յերևում և դաշինքի բովանդակութիւնից:

«Այս թող լինի,—պայման և կապում Մուավիան,—հաշտութեան ուխտն իմ և ձեր մեջ՝ վորքան ժամանակ դուք կամենաք: Յերեք տարի յես ձեզանից հարկ չեմ առնելու իսկ հետո կտաք, ձեր յերդման համաձայն, վորքան դուք կկամենաք: Ձեր յերկրի մեջ պետք և ունենաք 15.000 հեծելազոր և նրանց պետք և պարենավորեք ինքներդ. արժեքը յես դուրս կգամ հարկից: Հեծելազորը յես Ասորիք չեմ տանի, սակայն ուրիշ տեղ, ուր վոր հրամայեմ՝ պետք և պատրաստ լինին գնալու: Ձեր բերդերը վնչ ամիրաներ կողդարկեմ, վնչ արաք սպա և վնչ նույնիսկ մեկ հատ հեծվոր: Թշնամի չպիտի մտնի Հայաստան. իսկ յեթե հույները ձեզ վրա հարձակվեն՝ կողդարկեմ ձեզ ոգնական զորք, վորքան վոր ուզենաք: Յերգվում եմ մեծ աստծու անունով, վոր սուտ չեմ խոսում» (Սեբեոս, գլ. ԼԵ):

[«Այս լիցի ուխտ հաշտութեան իմոյ ընդ իս և ընդ ձեզ որչափ ամաց և դուք կամիջիք. և ոչ առնում ի ձէնջ սաեղերբեամ մի. ապա յայնժամ տաջիք երդմամբ, որչափ և դուք կամիջիք. և հեծեալ կալէք յաշխարհիդ ժե հաղար: Եւ հաց յաշխարհէն տուք, և ես ի սակն արքունի անգարեմ, և զհեծեալսն յԱսորիս ոչ խնդրեմ. բայց այլուր և հրամա-

յնմ, պատրաստ լիցին ի գործ. և ոչ արձակեմ ի բերդորայն ամիրայս, և ոչ տաճիկ սպայ՝ ի բազմաց մինչև ցմի հեծնա: Թշնամի մի մտցէ ի Հայս. և եթէ գայ Հոռոմ ի վերայ ձեր՝ արձակեմ ձեզ զզաւրս յաւգնականութիւն որչափ և դուք կամիջիք: Եւ երդնում ի մեծն Աստուած՝ եթէ ոչ ստեմ»¹: Այս դաշնադրությամբ, ինչպես տեսնում ենք, հայկական նախա-րարություններին տրվել էին ինքնավար իրավունքներ ու բա-ցառիկ արտոնություններ: Սակայն չնայած դրան՝ արաբական տիրապետությունը, անգամ այս սկզբնական շրջանում, Հայաս-տանի համար յեղավ աղետալի ու կորստաբեր: Նա պարբերաբար կրկնվող պատերազմների ընթացքում շարունակ հարձակման ու ավերածությունների յենթարկվեց: Յեթե նա հավատարիմ եր-մնում խալիֆայությանը՝ նրան անխնա պատժում էին հույնե-րը: Իսկ յեթե անցնում եր Բյուզանդիայի կողմը՝ վրեժ էին առնում արաբները:

Հայաստանի ամայացումը և տնտեսական քայքայումը Ոմե-յանների տիրապետության շրջանում պարզ ու վորոշ մատնա-նշված է ասորական մատենադիր Դիոնիսիոս Տելմահրեցու ժա-մանակադրության մեջ: Նկարագրելով արաբական Մասլամա հրամանատարի ռազմերթը (716/7 թ.) դեպի Բյուզանդիա և նրա գալը Արածանի գետի հովիտներն ու ներքին Հայաստան՝ Տել-մահրեցին վկայում ե, վոր՝

«Այս ամբողջ յերկիրն աչքի յեր ընկնում և ուներ առաջ բազմաթիվ բնակչություն, խաղողի շատ այգիներ, հացա-ցանքեր և ամեն տեսակ սքանչելի ծառեր: Սակայն այնու-հետև նա ավերվել եր և նրա շրջանները չունեին այլևս բնակչություն»²:

* * *

Յեթե խալիֆների տիրապետության առաջին շրջանում Հա-յաստանն ավերվում եր բյուզանդա-արաբական կռիվների պատ-ճառով, վորոնք հաճախ տեղի էին ունենում Հայաստանի տերի-

¹ «Պատմութիւն Սեբեոսի եպիսկոպոսի ի Հերակլոս», Ս. Պետերբուրգ 1879, էջ 138:

² Տե՛ս «Chronique de Denys de Tell-Mahré», publ. et trad. par Chabot, Paris 1895, էջ 12:

«ոորիայի վրա, նրանց տիրապետութեան յերկրորդ շրջանում, գլխավորապես ութերորդ դարում, նա արդունաքամ եր լինում վոչ այնքան այդ կոիմների, վորքան ծանր և տաժանելի հարկերի պատճառով:

Ոմեյանների իշխանութեան ժամանակ, մանավանդ սկզբնական ժամանակաշրջանում, Հայաստանի արքունի հարկերը համեմատաբար ծանր չեյին: Այդ յերևում ե վոչ միայն վերոհիշյալ գաղինքի պայմաններից, այլև 12-րդ դարի հայ մատենագիր Սամուել Անեցու ուշագրավ մի վկայութիւնից: Սրա ասելով, յերբ արաբական իշխանութիւնը հաստատվեց Հայաստանում, խալիֆայութիւնը՝

«վերցնում եր յուրաքանչյուր տնից չորս դրամ, յերեք մոտ խորբալ [այսինքն՝ մաղած ցորեն], մեկ ձիատուրակ, մեկ մազե պարան և մեկ ձեռնոց. իսկ քահանաներից, ազատներից և հեծելազորից հրաման տրվեց հարկ չառնել»:

[«յամենայն տանէ առեալ Դ դրամ և Գ մոթ խորբալ, և ձիատուրակ մի, և պարան մի մաղէ, և ձեռնարար մի. իսկ ի քահանայից և յազատաց, և ի հեծելոց՝ ոչ հրամայեաց առնուլ զհարկն»]¹:

Մեջ բերված այս վկայութեան մեջ ի նկատի յե առնված 7-րդ դարում Հայաստանում գործածվող մողը կամ գրիվը, վորի կըշտորդը, ինչպես ցույց եմ տվել իմ «Կիւնները և չափերը» աշխատութեան մեջ (եջ 75—79), հավասար եր 9 կիւ. 792 գր., իսկ դրամը նույն այդ դարում Մերձավոր Արևելքում տարածված Սասանյան արծաթ դրամն ե, վորը համապատասխան ե ըստ դրամական իր արժեքի մոտավորապես այժմյան 50 վոսկի կոպեկի²: Ուրեմն, ըստ մեր այս հաշվի՝ 3 մող մաղած ցորենը, վոր խալիֆայութիւնն առնում եր յուրաքանչյուր տնից՝ համապատասխան կլինի 29 կիւ. 376 գր. կամ մոտ 2 փթի, իսկ վերոհիշյալ 4 դրամը հավասար կլինի մոտ 2 վոսկի ռուբլու: Այս գումարի իրական արժեքը յոթերորդ դարում բավական բարձր եր: Այդ ժամանակաշրջանում մեկ փութ ցորենն արժեր մոտավորապես 25-50 վոսկի կոպեկ:

¹ Տես «Սամուել քահանայի Անեցույ, Հավաքմունք ի դրոց պատմորաց», Աղարշապատ 1893, եջ 82:

² Տես Հ. Մանանդյան, «Նյութեր Հին Հայաստանի տնտեսական կյանքի պատմութեան», II, Յերևան 1923, եջ 29, ծան. 6:

Ավելորդ է լինի նույնպես մատնանշել, վոր վերոհիշյալ վկայութեան մեջ «աղատ»-ներից հետո հիշատակված հեծելազորը, հավանորեն, ռաժիկներից կազմված «այրուձին» է, վոր գոյութիւն ունէր արդէն մարդպանութեան շրջանում: Ուշագրավ է, վոր այս հեծելազորը, վորն աղատ էր հարկերից, ինչպէս և «աղատ»-ներն ու քահանաները, ստանում էր Ոմեյյաններից հատուկ ռոճիկ՝ տարեկան հարյուր հազար դահեկան¹ (= մոտ 550. 000 վոսկի ռուբլի): Միանգամայն պարզ է, ուրեմն, վոր Ոմեյյանների ժամանակ վոչ միայն ծանր չէին յեղել Հայաստանից ստացվող հարկերը, այլև զգալի մասը հարկերի տրվել է վորպէս ռոճիկ հայկական հեծելազորին:

*
* *

Արաբական հարկային քաղաքականութիւնը հիմնական փոփոխման յենթարկվեց Հայաստանում Ոմեյյանների իշխանութեան վերջին շրջանում Հեշմ խալիֆի ժամանակ (724—743 թ.): Իր թագավորութեան առաջին կամ յերկրորդ տարում այս խալիֆը կարգադրել էր իր Հերթ զորավարին աշխարհագիր անել Հայաստանում և ավելացնել նրա հարկերը: Այդ մասին կարևոր տեղեկութիւններ են հաղորդում Ղևոնդ պատմագիրը և Մովսէս Կաղանկատվացին, վոր կարևոր եմ համարում մեջ բերել ամբողջութեամբ:

1. «Պատմութիւն Ղևոնդեայ մեծի վարդապետի Հւոյոց», գլ. ԺԷ, եջ 100 (հրատ. 1887 թ)՝

«Յեւ յա [Հեշմը] իր իշխանութեան առաջին տարում հղացավ մի վատ խորհուրդ՝ ուղարկեց մի վոմն զորավար, վորի անունը Հերթ էր, աշխարհագիր անել Հայոց աշխարհում և ծանրացնել նրա հարկատվութեան ծառայութեան լուծը տեսակ տեսակ չարիքներով... Յեւ ըստ վտանգ հասցրեց մեր աշխարհին մինչ այն աստիճան, վոր բոլորը հառաչում էին ծանր նեղութեան պատճառով և վոչ վոք չէր կարող ազատվել անհնարին վտանգից»:

[Ե՛ւ յա յառաջնում ամի իշխանութեանն իւրոյ խոր-

¹ Հմմտ. «Հաւաքումն պատմութեան Վարդան Վարդապետի», Վենետիկ 1862, էջ 74 (գլ. 1Թ): Վերոհիշյալ 100,000-ի գումարը փոմանք հայ բանասերներից յենթադրել են դրամ կամ դիրհամ: Այդ կարծիքը պարզապէս սխալ է:

հուրդ վատ ի մէջ առեալ՝ առաքէր զոմն զօրավար, որուն անուն էր Հերթ՝ աշխարհագիր առնել ընդ աշխարհս՝ Հայոց վասն ծանրացուցանելոյ զանուր լծոյ ծառայութեան հարկատութեան ազգի ազգի չարեօք... Եւ բազում վտանգ հասուցանէր աշխարհիս, մինչ զի ամենեցուն հառաչել ի վերայ անհանգիստ նեղութեանցն, յորմէ ոչ գոյր ապրել ումեք յանհարկն վտանգիցն»):

2. «Մովսեսի Կաղանկատուացւոյ, Պատմութիւն Աղուանից աշխարհի», III, ԺԷ, Մոսկվա 1860, էջ 258՝

«Իսկ հարյուր յոթանասուն և չորս թվին Հայոց (մեր թվ. 725 թ.) ամառը անասունների կոտորածը յեղավ և ձմեռը՝ Հերթի աշխարհագիրը, վորն անթիվ պարտավորությունների հարկի տակ առավ մարդկանց, անասուններին և հողերի տարածությունները»:

[«Իսկ ի հարիւր եօթանասուն և չորս թուականութեանն Հայոց (ամ տեառն 725), յամառն մահ անասնոց եղև, և ի ձմեռան՝ աշխարհագիրն Հերթի, որ էարկ զմարդ և զանասուն և զսահմանս երկրի ընդ հարկաւ անթիւ ծառայութեան»]:

Մեջ բերված այս վկայություններից տեսնում ենք, վոր 725 թվին հաշվառման եյին յենթարկվել Հայաստանում մարդիկ, անասունները և հողերը: Այս աշխարհագրից հետո վերանում եյին պարզապէս ֆեոդալական Հայաստանի հարկային նախկին արտոնությունները: Հարկերը դանձվելու եյին ախուհետև վնջ թե առաջվա նման տներից կամ յերդերից, այլ մարդկանց ու անասունների թվի համեմատ և ըստ հողերի տարածության ու, հավանորեն, նաև վորակի: Նախկին յերդահարկի ընդլթը հիմնովին այժմ փոխվում եր և սկիզբ եր դրվում գլխահարկի, անասնահարկի և հողահարկի նոր սխառմի, վորը շուտով կատարյալ աղետ դառավ ամբողջ յերկրի և, մանավանդ, հարկատու ռամիկ ժողովրդի համար:

Արաբական հարկային այս ծանր լուծն եր, վոր 8-րդ դարում վոտքի հանեց հարստահարված յերկիրը և հիմնական պատճառը յեղավ ժողովրդական կատաղի ապստամբությունների ընդդեմ խալիֆայության:

Ութերորդ դարի կեսերին արաբական խալիֆայության մեջ տեղի ունեցավ քաղաքական մեծ հեղաշրջում: 748 թվին սկսվեցին նրա մեջ ներքին խռովություններ և 750 թվին, համառ ու արյունահեղ յերկարատև կռիվներից հետո, սպանվեց Ոմեյյան տոհմի վերջին խալիֆը, Մրվանը, և իշխանութունն անցավ Աբբասյանների և Իրաքի արաբների ձեռքը:

Այս խռովությունների ժամանակ հայկական նախարարութուններն ուղեցին թոթափել արաբական լուծը և ապստամբեցին Գրիգոր Մամիկոնյանի առաջնորդությամբ, հույս ունենալով ոգնութուն ստանալու Բյուզանդիայից: Սակայն ապստամբութունը գլուխ չեկավ: Աշոտ Բագրատունին, Հայաստանի իշխանն ու պատրիկը, վորին ստիպել եյին մասնակից լինել ապստամբության, ինչպես և նախարարների մի մասը, բաժանվեցին շուտով Գրիգոր Մամիկոնյանից ու նրա կողմնակիցներից և հպատակվեցին հոփարակամ արաբներին:

Աբբասյանների իշխանության հաստատումից հետո գրութունը Հայաստանում դառավ անտանելի: Աբբասյան հարստության հիմնադիրը՝ Աբուլբաս ալ-Սաֆֆահը (750-754 թ.թ.) Հայաստան ուղարկեց վորպես կառավարիչ իր յեղբորը՝ Աբու-Ջաֆար ալ-Մանսուրին: Սրա կառավարման ժամանակ Հայաստանի հարկատու ժողովրդի մեծագույն մասը մատնվեց հետին ծայր չքավորության: Վե՛չ միայն չափազանց ավելացրին հարկերը, այլ պահանջում եյին այժմ նաև նախկին յերեք տարվա հարկերը, վորոնք խալիֆայությանը չեյին վճարված նախարարական ապստամբության ամբողջ տևողության ընթացքում:

Դևոնդ պատմագիրը վկայում է, վոր ալ-Մանսուրը պահանջում եր հարկ մինչև իսկ մեռելներից, ուստի և հրամայել եր քահանաներին ներկայացնել վախճանվածների ու նրանց ընտանիքների ցուցակները: Այս վկայութունը, վոր լավ չէ հասկացվել, իմ կարծիքով, պարզ է ու հասկանալի: Ալ-Մանսուրը կարգադրել եր ըստ իս գանձել ժառանգներից մեռածների գլխահարկը, վորը ապստամբության պատճառով խալիֆայությունը չեր ստացել նրանց կենդանության ժամանակ: Փախչել մի այլ շրջան և աղափարել հարկերից անկարելի յեր, վորովհետև Աբբասյանները հնարել եյին ստուգման ու վերահսկողության հատուկ մի միջոց: Վորպեսզի կարողանան հայտնաբերել հարկ չվճարողներին՝ ալ-

Մանսուրը հրամայել եր խաբանել բոլորի վզերը, վորոնք վճարել էին գլխահարկը՝ կապարե կնիքներով: Ութերորդ դարի ասորական ժամանակագիր Դիոնիսիոս Տելմահրեցու վկայութեամբ՝ Միջագետքում կառավարչական հատուկ պաշտոնյաները խաբանում էին յերբեմն, ստրուկների նման, հարկահատույցների վնչ միայն վզերը, այլ նաև յերկու ձեռքերը, կուրծքերը և կոնակները¹:

Հարկային ծանր աշդ լուծը, ինչպես և հարկահանների հալածանքներն ու բռնութեանները, ցայտուն կերպով նկարագրված են Դևոնդի պատմութեան հետևյալ վկայութեան մեջ:

«Յեւ տիրեց նրա [Մովսէսի] տեղ Աբգղան, վորն ուղարկեց յնորորը, մյուս Աբգղային, իր տերութեան բոլոր յերկրները: Սա, գալով նախ հայոց աշխարհը՝ բազում վշտով ու նեղութեամբ վտանգեց ամենքին և հասցրեց չքավորութեան ու տնանկութեան. մինչևիսկ պահանջեց հարկեր նաև մնոններէց: Նմանապես և վորերի ու այրիների ամբողջ բազմութիւնը նա չարաչար տառապեցրեց: Տանջեց նույնպես աստվածային խորանի քահանաներին ու պաշտոնյաներին, յենթարկելով նրանց խոշտանգանքների, ծեծի ու խայտառակ ճիպտահարութեան և պահանջելով, վոր նրանք հայտնեն վախճանվածների ու նրանց ընտանիքների անունները: Ոռոտանգում եր նաև յերկրի բնակիչներին ամենաբռնի ու դաժան հարկապահանջութեամբ և, առնելով ամեն մի գլխից բազում դրամ արծաթի՝ դնում եր բոլորի պարանոցներին կապարե կնիք»:

[«Եւ տիրէ ընդ նորա Աբգղայ, և առաքէ զեղբայր իւր զմիւս Աբգղայ շրջել ընդ ամենայն աշխարհս իշխանութեանն իւրոյ: Որ նախ ելեալ յաշխարհս Հայոց՝ բազում վշտօք և նեղութեամբ վտանգէր զամենեւին և հասուցանէր ի չքաւորութիւն տնանկութեան, մինչև պահանջել հարկս և ի մնոնոցն: Եւ զամենայն բազմութիւն որոց և այրեաց չարալուկ տառապեցուցանէր. վտանգէր զքահանայս և զպաշտօնեայս աստուածային խորանին խոշտանգանօք և քջօք այլանութեան և զանիւք՝ ի յայտ ածել զանուանս վախճանելոցն և զընտանիս նոցուն: Ոռոտանգէր և զբնակիչս աշխարհիս բռնագոյն և դառն հարկապահանջութեամբ, առ-

¹ Տես «Chronique de Denys de Tell-Mahré», Paris 1895, 42 104:

նուլ ըստ գլխոյ բազում դուզէս արծաթոյ, և դնել կնիք կապարեայ յամենեցուն պարանոցս»¹։

Միայն Հայաստանը չեր, վոր հարկապահանջութեան տաժանելի որեր ապրեց այս ժամանակաշրջանում։ Ալ-Մանսուրը, ինչպես հաղորդում ե Ղևոնդը, Հայաստանից անցավ խալիֆայութեան մյուս յերկրները և, ծանրացնելով ամենուրեք հարկային լուծը, այնտեղ ևս նույն դաժանութեամբ հալածեց հարկերը։ Նրա անասան արծաթասիրութեան և ազահութեան պատճառով եր, վոր անգամ յուր ազգը նրան անվանում եր «հայր» կամ «Արդուլ զանգի», այսինքն՝ ծառա ու մեծարող միմիայն դրամի։

Ալ-Մանսուրի Հայաստանից հեռանալուց հետո, նրան հաջորդող Յեզիտ, Բազար ու Հասան կառավարիչների ժամանակ՝ հարկային լուծը Հայաստանում վնչ միայն չթեթեացավ, այլ ավելի ևս ծանրացավ։ Արքայանները կարիք ունեյին դրամական մեծ միջոցների պալատական իրենց շուայ ու շվայտ ապրուստի համար։ Մեծ գումարներ եյին հարկավոր նաև նոր հիմնված Բաղդադ քաղաքի շինութեան համար։ Հասկանալի յե, ուրեմն, վոր այս պայմաններում, ծանրանալու յեր որավոր ինչպես Հայաստանի, նույնպես և խալիֆայութեան մյուս յերկրների, գըլխավորապես, աշխատավոր բնակչութեան դրութեանը։ Արքայանները վստահութիւն չուներին անգամ իրենց արաբական ու պարսկական հպատակների վրա։ Սրանք պետութեան զանազան մասերում շարունակ փոտքի եյին յեղնում ու ապստամբում։ Խալիֆների իշխանութեան գլխավոր հենարանը վնչ թե իրենց սեփական ժողովուրդն եր, այլ Խորասանից բերված վարձկան թուրք զորքերը, վորոնց նույնպես անհրաժեշտ եր տալ անուշ և ոռճիկ։

* * *

Ալ-Մանսուրի անմիջական հաջորդ՝ Յեզիտ վոստիկանի իշխանութեան ժամանակ դրութեանը Հայաստանում դառել եր ծայրահեղորեն աղետալի։ Դառն ու բռնի հարկապահանջութեան պատճառով յերկիրը բոլորովին ուժասպառ եր յեղել ու արյունաքամ։ Ինչպես վկայում ե Ղևոնդը (գլ. ԼԲ), Հայաստանում նվազել եր և գրեթե վերացել դրամն ու արծաթը։

Հնչյուն փողի այս հատնումը, ինչպես մատնացույց ե արված «Հայաստանի առևտուրը և քաղաքները» ուսեսերեն իմ աշ-

¹ Տես «Պատմութիւն Ղևոնդեայ», Ս. Պետերբուրգ, 1887, գլ. ԻԸ, եջ 127։

խառության մեջ¹, չպետք է վերագրել միայն չափազանց հարկատվության, այլ, գլխավորապես, պետք է բացատրել նաև նրանով, լիք արաբական տիրապետության ժամանակ Հայաստանի տնտեսական կյանքը զգալի չափով հետադիմել երևա՞րդա՞նու՞մ երբնական տնտեսության հետագարձ հիմքերի վրա:

Դրամի և Թանգարժեք մետաղների պահպանման ու հատնու-
մի հետևանքով անսահման բարձրանալու յեր, իհարկէ, նրանց
արժեքը: Նույն այս ժամանակ, ինչպէս վկայում է իր ժամանա-
կագրության մեջ Միքայել Ասորին՝ Միջպղտըում՝

«Զատիրի [այսինքն՝ աւ-Մանսուրի] չարչար ազահո-
թյան պատճառով այն աստիճան սակասեց արծաթը, վոր
յեղն ու եղը ծախում եյին մեկ դրամի և տղաները տալիս
եյին պահանջողներին 5 դրամի»³:

[«Իսկ Հարազար ագահութենէն Ջափրի տյնչափ պակաս-
հաց արծաթն, զի դեղն և զէշ դրամի միոյ վաճառէին, և
գտորայն հինգ դրամի տալին պահանջողացն»]:

Շատերը, ասում ե նա (եջ 352), փորում եյին գերեզմանները և փնտռում փոսկի ու արծաթ, փորպիսիք վճարեն իրենց հարկերը:

Նման դրություն, ինչպես յերևում ե նաև հայ մատենագիրների վկայություններով, ստեղծվել եր նաև Հայաստանում:

«Հատեցրեց [Յեզիտը],—ասում է Ղևոնդը³,—արծաթիւ գլուխը յերկրից և հնարավոր չեր վորեւ մեկին, տալով յուր գույքը և կարողութիւնը, ձեռք բերել իր անձի փրկութիւնը: Չարաչար չարչարանքով, գեղոցով, կախաղանով և դառն տանջանքներով կեղում եյին մարդկանց կյանքը: Ուստի և շատերը, փախչելով այրերը և յերկրի փապարնե-
րը՝ զաղվում եյին ու թաքնվում: Վրոմանք եւ ձյունախեղդ
եյին լինում և գետն եյին իրենց ձգում անտանելի աղետի
պատճառով»:

¹ *См.* „О торговле и городах Армении“, *бб* 133—136.

² Տես ժամանակագրութիւն տեղան Միխայէլի Ասորւոց պատրիարքի, Յերոսոպոս 1871, հո 352:

³ Ուշագրավ է, վոր արաբական տիրապետության ժամանակ ստրուկներն թիվը խիստ մեծ էր: Խալիֆ Մուավվիան ունեցել է, որինակ, միմիայն Արաբիայի երկարվածներում 4000 ստրուկ: Վրամեր ունեցել են մինչև իսկ ավելի քան 10.000 ստրուկ: Մեծ զին ունեւիր, մանավանդ, ստրուկ արհեստավորները:

⁴ Տե՛ս Մալխասյանցի և Յեղյանցի հրատարակությունը, Ս. Պետերբուրգ 1887, գլ. 17, էջ 135:

[«Զի վախճանեաց զգիւտ արծաթոյ ի յերկրէս, և ամենայն ոք տալով զպաճարանս ընչից իւրեանց՝ ոչ գտանէին զգինս փրկանաց անձին իւրեանց, և չար կոտանօք, դելաւանօք, և կախադանօք և դառն տանջանօք կեղէին գլեանս մարդկան: Յորմէ փախստեայ եղեալ բազումք յայրս և ի փապարս երկրի՝ ղօղեալ թագչէին. և ովանք ձիւնահեղձ և զետալէժ լինէին վասն անտանելի աղետիցն»]:

Անհրաժեշտ ե նույնպէս մատնանշել, վոր առջին Աբրասյաններ ժամանակ վոչ միայն անչափ ծանրացել եյին Հայաստանի հարկերը, այլև սկիզբ եր դրվել նաև նախարարական ինքնավար կարգերի ու նախկին արտոնությունների վոչնչացման: Դևոնդի վկայութեամբ (գլ. ԻԸ)՝ Աբրասյանները կարգադրել եյին, վոր հայկական հեծելազորի ռոճիկը պետք ե վճարել վոչ թե խալիֆայությունը, ինչպիս այդ սահմանել եյին Ոսեյանները, այլ իրենք հայ իշխանները: Այսպիսով, ասուք և Դևոնդը, հեծելազորի պարտադիր ծառայությունը դառել եր «զբաւաստակ աշխատութիւն»:

Պարզ ե, վոր հալածանքի նոր այս պայմաններում՝ խալիֆալ-Մանսուրը այլև չեր կարող վստահություն ունենալ հայ նախարարների վրա: 770 թվին նա Հասան վոստիկանի հետ թուրքական զորքեր ուղարկեց Հայաստան:

Այս վայրագ ու արյունաբերու վարձկանները, վորոնք ավերածությունների ու թալանի առիթ եյին փնտռում զազրելի բռնություններ զործեցին Հայաստանի բնակչութեան անխտիր բոլոր խավերի վերաբերմամբ: Յերկիրը մատնվեց այժմ սովի, սրի ու սարսափի:

Յեւ շուտով արաբական տիրապետութեան դեմ բռնկվեց ընդհանուր ապստամբություն, վորին մեծ չափով մասնակցում եյին նաև ռամիկները:

*
* *

Այս ապստամբությունը, վորի մասին մանրամասն տեղեկություններ ե հաղորդում Դևոնդը, ուներ պարզապէս ազատագրական բնույթ: Նրա ճիշտ տարին, վորը պատմագիտական յերկերում, մեծ մասամբ, սխալ ե տրվում, վորոշվում ե, ինչպե՞ս ցույց ե տվել Ալիշանը¹, 774 թվին:

¹ «Արարատ», Վենետիկ 1890, եջ 525:

Հուսահատված նախարարները, վկայում ե Ղևոնդը՝

«Յերբ տեսան վոր մեծ վտանգ ե իրենց վրա հասել՝ մահն աչքի առաջ ունեցան և ձեռնամուխ յեղան մի գործի, վորը չեր կարող հաջողություն ունենալ, վորովհետև իրենք քիչ եյին թվով: Սակայն նրանք լավ համարեցին քաջությամբ մեռնել, քան ապրել տաժանալից»:

[«Երբև տեսին նախարարք Հայոց զվտանգ տարակուսանացն հասեալ ի վերայ ինքեանց՝ եղին զողի ի ձեռին իւրեանց և ձեռնամուխ եղեն յիրս, զոր ոչ կարէին վճարել վասն զի նուազունք էին: Այլ սակայն լաւ համարեալ զմահ քաջութեամբ քան զկեանս վտանգաւոր՝ ձեռնամուխ եղեն յիրս ապստամբութեան»]¹:

Ինչպես և դրեթե միշտ՝ շարժման դրդողը և ղեկավարը յեղան Մամիկոնյանները: Ազատագրական ապստամբությունների առաջնորդ լինելը նրանք կարծես թե համարում եյին իրենց տոհմային պարտականությունը:

Առաջինը գլուխ բարձրացրեց արաբական բռնությունների դեմ Արտավազդ Մամիկոնյանը: Նա յեկավ Դվին, վորը արաբական իշխանության վարչական կենտրոնն եր, արտաքուստ ցույց տվեց իրեն մտերիմ ու հավատարիմ և զինեց ու հանդերձեց այստեղ իր գործը, պատրվակ բռնելով, վոր նախապատրաստություններ ե տեսնում կովի համար խալիֆայության թշնամիների դեմ: Դվինից Արտավազդը շտապեց գնալ Կումայրի (=Լենինական), սպանեց այնտեղ հարկերի հրամանատարին և, վերցնելով նրա հավաքած հարկերը՝ գնաց իր ընտանիքի ու այլ նախարարների հետ Յեգեղացոց աշխարհը, վորը գտնվում եր Բյուզանդիայի գերիշխանության տակ:

Չորս տարի հետո, 778 թվին, նույն այս Արտավազդը, վորն Բյուզանդական կայսրը նշանակել եր ստրատեգ և կառավարիչ Անատոլիկոն թեմի՝ կարողացավ սոսկալի վրեժ առնել արաբներից և, գործակցությամբ բյուզանդական յերեք նշանավոր հայ զորավարների՝ Տաճատ Անձևացու, Վարազդիլրոցի և Գրիգորիոսի՝ մեծ ջարդ տվեց և սաստիկ հարված հասցրեց նրանց Գերմանիկ քաղաքի մոտ՝ Կոմմագենեյում:

Շուտով Արտավազդի որինակին հետևեց Մուշեղ Մամիկոն-

¹ Տես հրատարակւթյուն Մալխասյանցի և Յեղյանցի, Ս. Պետերբուրգ 1837, եջ 137—138:


յանը, վորը կոտորեց արաքներին, վորոնք գտնվում էյին նրա գա-
վառում, և, գաղթելով ամբողջ իր տնով Կաղզվանի շրջանը՝ ամ-
բացյալ Արտազեբս բերդում: Այստեղից նա ասպատակեց Բագրևանդ
գավառը, կոտորեց հարկահավաքներին ու արաքական զորամասերը
և դադարեցրեց հարկերի պահանջումը և բռնութիւնները: Մուշեղի
մոտ, ինչպես վկայում է Ղևոնդը (գլ. ԼԴ, եջ 139), հավաքվեցին
բոլոր ճնշվածներն ու հարստահարվածները: Արաքական զորքերը,
վորոնց ուղարկել էյին նրա դեմ Կարինից և Դվինից, միջ միայն
հաջողութիւն չունեցան, այլև մեծ ջարդ կրեցին ու մատնվեցին
սխալուստի:

Այնուհետև դրեթե բոլոր մյուս նախարարները ևս, Մու-
շեղի հաջողութիւններից սիրտ առած՝ միացան նրան իրենց
զորքերով և ապստամբութիւնը դառավ համատարած ու ընդհա-
նուր: Ազատագրական այս շարժմանը մասնակցում եր նույնպես
ռամիկ ժողովրդի բազմութիւնը:

Ահաբեկված արաքները, վորոնց գլխավոր հենակետերը
Հայաստանում քաղաքներն էյին՝ Դվինը, Կարինը, Արճնը և այլ
քաղաքավայրերը՝ ստիպված յեղան պատսպարվել այդ ամբու-
թիւններում: Յեւ հայերը, արաքական ծանր լուծից ազատվելու
համար՝ պետք է աշխատեյին, ընականաբար, զրավել թշնամու
այդ կայանները: Նրանք հարձակվեցին նախ գլխավոր ռազմա-
կայաններից մեկի՝ Կարին քաղաքի վրա, վորը սահմանամերձ
էր Բյուզանդիային, և, շրջապատելով քաղաքը, սկսեցին պաշա-
րողական կանոնավոր ու յերկարատև գործողութիւններ՝ վորե-
ցին խրամատներ ու աշխատեցին պարիսպների տակ ականներ
անցկացնել:

775 թվի դարնան սկզբին վոտքի կանգնեցին արաքների
դեմ Վասպուրականում Արծրունյաց ու Ամատունյաց նախարար-
ները և ուղեցին հարձակվել արաքական նաև մի այլ մեծ կենտ-
րոնավայրի՝ Արճն քաղաքի վրա: Նրանք հավաքել էյին իրենց
հեծյալ ջոկատները, վորոնց ուղեկցում էյին նաև հետիոտն ու-
սիկները, Բերկրի գյուղի մոտ: Սակայն հարձակումը դեռ չսկըս-
ված՝ Հայաստան խուժեցին հարավից, Խլաթ քաղաքի վրայով,
խալիֆայության 30.000 ընտիր խորասանյան զորքերը Ամր գո-
րավարի առաջնորդութիւնով:

Աշոտ Բագրատունին, վորը չէր միացել ապստամբության,
նախազգուշացրեց նախարարներին վերահաս վտանգի մասին:
Սակայն ապստամբները, համարելով այդ նախազգուշացումը նեն-



գություն՝ վճռեցին հարձակվել Արճեշի վրա: Բայց այստեղ Ամբի գործերը, վորոնք դարան եյին մտել, գորհեցին նրանց վրա և, մատնելով հեծելազորը փախուստի, կոտորեցին, գլխավորապես, անդեն ու կովի անվարժ հետիոտն ռամիկներին: Նախարարներից սպանվեցին, ինչպես վկայում ե Ղևոնդը, միայն չորս հոգի՝ յերեքը Տրունյաց տոհմից և մեկը Ուրծայ գյուղից:

Ղևոնդ պատմադրի մոտ մատնանշված ե Արճեշի կովի ամսաթիվը և որը՝ «յամսեանն հրոտից, որ օր չորրորդ էր ամսոյն յաւուր շաբաթու» (գլ. ԼԴ, եջ 147): Համաձայն այս վկայության՝ կովի թվականը, ամսաթիվը և որը տոմարական հաշիվների ոգնությամբ ճշտիվ վորոշվում ե 775 թվի ապրիլի 15-ին, շաբաթ:

Մինչդեռ այս անցքերը կատարվում եյին Արճեշի մոտ, պաշարված Կարինը, վորի մեջ սաստկացել եր սովը, արդեն մոտ եր անկման: Սակայն Ամր դորավարի հաղթության լուրը վհատեցրեց ու լքում առաջ բերեց քաղաքը պաշարողների շարքերում: Ապըստամբության ձախողումը և հետահաս տխուր վախճանը ակներե եյին: Հայերն ունեյին Կարինի մոտ ընդամենը մոտ 5000 կովոդ, վորոնց մեծ մասը կազմում եյին հետևակ ու թիթև զինված ռամիկները, մինչդեռ Ամբը զալիս եր նրանց դեմ, ունենալով իր հետ 30.000 լավ զինված հեծելազոր:

Հայկական վորքաթիվ դորքը, ինչպես վկայում ե Ղևոնդը, կարող եր հեշտությամբ խույս տալ թշնամու հետ ընդհարվելուց, վորը վեց անգամ ավելի դորավոր եր: Բյուզանդիայի արևելյան սահմանները, ինչպես հայտնի յե, հեռու չեյին Կարին քաղաքից: Սակայն ապստամբները, ասում ե Ղևոնդը,—

«լավ համարեցին մեռնել, քան տեսնել իրենց յերկրի կորուստը... և թեպետ իրենք թշնամիների թվից ավելի քիչ եյին՝ ինքնակամ հոժարությամբ յենթարկեցին իրենց կյանքը վտանգի և, ժողովելով իրենց զորադնդերը, մոտ 5000 հոգի՝ գնացին Կարին քաղաքից և անցան Բասնի վրայով Բագրևանդ գավառը»:

[«սակայն լաւ համարեցան զմահ անձանց քան տեսանել զկորուստ աշխարհիս... թէպէտև նուազունք էին քան զթիւ թշնամեացն՝ ինքնակամ յոժարությամբ զիմեցին ի վիշտն. և ժողովեալ զգունդս իւրեանց իբրև արս ԵՌ՝ գնացին ի

քաղաքէն Կարնոյ, անցանէին ընդ սահմանս Բասենոյ ի գաւառն Բաղրեանդ»¹:

Յիրկու բանակների ճակատամարտը տեղի ունեցավ Բաղրեանդ գավառում, Արածանի գետից դեպի հարավ, Արձնի գլուղի մոտ: Սկզբում հայկական զորքը կատաղի կերպով հարձակվեց թշնամու գերազանց ուժերի վրա և կարողացավ շփոթություն առաջ բերել նրա շարքերում: Սակայն շուտով Ամրի զորքերը վրա ընկան հայերի աննշան ուժերի վրա և, մատնելով նրանց փախուստի՝ կոտորեցին մեծ մասը, գլխավորապես ռամիկ ժողովրդի: Անվանի նախարարներից ընկան պատերազմի դաշտում Մմբատ Բագրատունի սպարապետը, նրա բարձակիցը և նիզակակիցը՝ Սահակ Բագրատունին, Մամիկոնյաններից՝ Մուշեղ զորավարը և Սամուելը, նաև Վահան Գնունին և ուրիշները: Ապստամբությունը ճնշելուց հետո՝ արաբական զորավարն ասպատակներ սփռեց Բաղրեանդի ու նրա սահմանակից գավառների շրջաններում և յենթարկեց այդ յերկրներն ավերածության ու կողոպուտի:

Ղևոնդի վկայությամբ՝ ճակատամարտը Բաղրեանդում Արձնի գլուղի մոտ տեղի յեր ունեցել, ինչպես և Արձնի կոնիվը՝ հայկական հրոտից ամսում՝ «ի նոյն ամսեանն ի հրոտից ի ԺԴ յաւուր երկուշարաթւոջ»²: Համաձայն տոմարական պարզ հաշիվների՝ այս վկայության մեջ պետք է ուղղել ԺԴ (= 14) թիվը և կարդալ «ի հրոտից ի ԺԳ [= 13]»: Այսպիսով ստացվում է ճշտիվ՝ այս ճակատամարտի տարեթիվը, ամսաթիվը և որը՝ 750 թվի ապրիլի 24-ին, յերկուշարթի³:

775 թվի ընդհանուր ազատագրական ապստամբությունը Հայաստանում պետք է համարել, անշուշտ, հայ ժողովրդի ամենամեծ հերոսամարտերից մեկը: Մեռնել քաջությամբ և չթողնել իր հայրենի յերկրը՝ այդ յեղել և միշտ նշանաբան հերոս ու քաջարի ժողովրդների:

¹ Տե՛ս հրատար. Մալխասյանցի և Յեղյանցի, Ս. Պետերբուրգ 1887, գլ. ԼԴ, էջ 148:

² Նույն տեղ, էջ 151:

³ Արձնի ու Արձնիի կոնիվների թվականը պատմագիտական յերկերում, մեծ մասամբ, սխալ է վերոշված: Տարեթիվը ճիշտ է ցույց տրված Ալիշանի «Այրարատ»-ում (էջ 525): Սակայն նրա մոտ ամսաթիվը վերոշված է սխալմամբ ապրիլի 25-ին:

775 Թվի ապստամբության ճնշումից հետո՝ Հայաստանի պատմութիւնը ութերորդ դարի վերջին քառորդում անընդհատ մի ժամանակագրութիւն եւ պարբերական կոտորածների ու գաղթի, ծանր հարկապահանջության ու ավազակային կողոպուտների և ամեն տեսակ բռնութիւնների ու հալածանքների:

Արճեշի ու Արճնիի ճակատամարտերից հետո՝ ապստամբած հայ նախարարների ընտանեքները, գլխավորապէս Բագրատունիները և Մամիկոնյանները, ստիպված յեղան լքել ու թողնել իրենց կալվածները Բագրեւանդում ու հարավ-արեւմտյան Հայաստանում և փախչել կամ Բյուզանդիա և կամ Հայաստանի լեռնային ամուր ու տնմատչելի արեւմտյան շրջանները, վորոնք մոտ եյին կամ սահմանակից Բյուզանդական կայսրութիւն:

Լքված վայրերում նախարարական կալվածներն անցան հետզհետե, գլխավորապէս, մահմեդական ու արաբ եմիրների և կալվածատերերի ձեռքը, վորոնք իրենց նոր կալվածներում բնակեցնում եյին, մեծ մասամբ, Հայաստան ներգաղթած արաբական ցեղեր: Ութերորդ դարի վերջում և իններորդ դարի սկզբներում Հայաստանի այս մասերում կազմվեցին մահմեդական յերկու մեծ ու հզոր իշխանութիւններ՝ Մանազկերտի ու Արզնի ամիրայութիւնները: Այժմ արդեն սկսել եյին աստիճանաբար քայքայվել նախարարական նաեւ այլ շրջանները, և Հայաստանի մեծագույն մասի մեջ հետզհետե տեւր ու տնորեն եյին դառել մահմեդական ու արաբ իշխանավորները:

Նկարագրելով այս ժամանակաշրջանի պատմական անցքերը՝ Հովհաննէս Դրասխանակերտցին տալիս ե հայ նախարարութիւնների քայքայման մասին հետեյալ կարեւոր վկայութիւնը:

«Յեւ վորովհետեւ,—ասում ե Դրասխանակերտցին,—հազարացիները վերցրին ու բոլորովին տեւր դառան Հայաստանին, իսկ յերկրի մեծամեծները պակասեցին և ֆաղցածները թաղնվել եյին, ծառայելով նրանց լուծի տակ՝ դրա համար ել մեր պատմութիւն այս մասում քիչ են զրույցները մեր իշխանների մասին: Յեւ յեթե թերեւ վորեւ մի բան գտնվի՝ թող քեզ բավական լինի այն, ինչ վոր ինձնից առաջ պատմել և Շապուհ պատմագիրը»:

[«Եւ վասն զի սպառապուռ Հագարացիքն արիւրեցին կալան զՀայաստանեայս և մեծամեծք աշխարհիս նուաղեցան, և

մնացեալը զօղեալ դադարեալ կային ընդ լծով ծառայութեան։
Նոցա. ստիւս ախորիկ իսկ յայսմ վայրի պահասեաց ի
Պատմութենէ աստի զրոյցք իշխանաց մերոց, բայց եթէ
գուցէ գտցի ինչ՝ բաւական քեզ բերցի նախ քան զմեզ
պատմեալն ի Շապհոյ պատմագրէ»¹։

Ուշագրաւ տեղեկություն հ հաղորդում նմանապես Ղևոնդ պատ-
մագիրը հայ ռամիկ ժողովրդի վողորմելի վիճակի մասին ութե-
րորդ դարի վերջերում։ Նշելով մոտ 12.000 հայերի, դիւաւորա-
պէս ազնւականների ու հեծյալների, զաղթը Հայաստանից Բյու-
զանդիա Շապուհ Ամատունու առաջնորդութեամբ (հալածորեն,
791 թվ.)՝ Ղևոնդը պատմում է, վոր

«ժողովրդի կեսը, վոր մնացել էյին յերկրում՝ սաստիկ կա-
րտուութեան պատճառով անձնատուր յեղան ստրկական ծա-
ռայութեան և դառան նման դարաւորնացիներին փայտ կոտ-
րողներ և ջուր բերողներ»։

[«Իսկ կէսք ժողովրդեանն որք մնացին՝ առ սաստիկ կարո-
տութեանն անձնատուրք եղին ի ծառայութիւն ստրկի, փայ-
տակոտորք և ջրաբերք ըստ նմանութեան Գաբաւոնացւոց»]²։
Ինչպէս տեսնում ենք վերոհիշյալ և նման վկայութեան-
ներից, 775 թվի անհաջող ապստամբութեանից հետո հայկական
նախարարութեանները վնչ միայն մեծ չափերով զրկվել էյին
իրենց ինքնավարական իրավունքներից ու արտոնութեաններից,
այլև, կորցնելով ռազմական ու դիմազրական նախկին իրենց
ուժը, սկսել էյին արդեն նվազել ու քայքայվել։

Գտնվելով ծանր կացութեան մեջ՝ հայկական բարձր ազնւ-
լականութեանը, պահպանելու համար իր կալվածներն ու ար-
տոնված գրութեանը՝ հարկադրված եր այժմ հարմարվել ու հա-
մակերակել տիրողներին։ Վոմանք նրանցից, ինչպէս, որինակ,
Մեհրուժան Արծրունին՝ ընդունել էյին մահմեդական կրօնը։ Ու-
թերորդ դարի վերջին հինգ քառորդից սկսած հայկական բարձր
ազնւականութեանն աշխատում եր բարեկամանալ ու խնամիւնալ
արաբական եմիրներին ու իշխանավորներին հետ խառն ամուսնու-
թեաններ ընդունելով։ Համակերպման վորոշակի նշաններ կարելի
է համարել նաև այն, վոր այս ժամանակներից սկսած հետզհե-

1 Տես «Յովհաննու կաթողիկոսի Դրասխանակերտեցւոյ, Պատմութիւն
Հայոց», Թիֆլիս 1912, հջ 111։

2 Տես վերոհիշյալ 1887 թվի հրատարակութեանը, գլ. ԽԲ, հջ 169։

Տե սովորական եյին դառնում հայ աղնշականների շրջանում նրանց արաբականացրած անունները, ինչպես՝ Աբուլ-Աբաս, Աբուլ-Մրվան, Աբու-Սահակ, Աբու-Մուսես և այլն:

Հայկական ֆեոդալիզմն ապրում եր ըստ իս ութերորդ դարի վերջերում՝ ավերումների, փախուստի, մեծ գաղթերի ու յերկրի ամայացման վերոհիշյալ խռովահույզ շրջանում՝ իր ծանր հոգեվարժը: Թվում եր, վոր նրա վերջնական քայքայումն անխուսափելի յե: Սակայն շուտով, իններորդ դարի առաջին հինգ կիսում, նրա վերակենդանացման համար ստեղծվեցին հանկարծ քաղաքական միանգամայն նպաստավոր ու նոր պայմաններ: Իններորդ դարում նա հետզհետե վնչ միայն նորից ուժեղացալ, այլև ապրեց Բագրատունյաց Թագավորութան շրջանում տնտեսական ու քաղաքական բուռն ու աննախընթաց վերելքի շրջան:

*
* *
*

Նախարարական Հայաստանի վերստին զորեղացմանը մեծ ապես նպաստեցին խալիֆայության մեջ ծայր առած խռովություններն ու ներքին պատերազմները, վորոնք գրեթե անընդհատ եյին դառել իններորդ դարից սկսած:

Բագրատունիները, վորոնք 775 թվի ապստամբությունից հետո ապավինել եյին Հայաստանի լեռնային արևմտյան շրջանները և գտնվում եյին այստեղ Բյուզանդիայի հովանավորության տակ, ուշիուշով հետևում եյին քաղաքական անցքերին խալիֆայության սահմաններում:

793—794 թվականներին Պարթավում և Փայտակարանում բռնկվեց պարսիկ աղանդավորների մեծ ապստամբությունն Ատա ել-Մուկաննայի առաջնորդութամբ: Ապստամբները վնչ միայն կարողացան մի քանի անգամ պարտության մատնել իրենց դեմ ռազարկված արաբական վոստիկաններին, այլև իրենք հարձակման դիմեցին ու մոտ չորս ամիս պաշարեցին Հայաստանում Դվին քաղաքը: Նկարագրելով այս անցքերը՝ արաբական մատնանշում և, վոր այնուհետև «Հայաստանի ուժը զորացալ»¹:

Ներքին մեծ խռովություններին զուգընթաց վերսկսվեցին այս ժամանակ կատաղի ու անվերջ պատերազմները խալի-

¹ Տե՛ս Մարկվարտ, Բագրատունիների ծագումը, Վիեննա 1915, էջ 33:

Փայտեթյան ու Բյուզանդիայի և խալիֆայության ու խազար-
ների միջև: Այս պայմաններում հայկական նախարարությունները
մինչևիսկ հյուժված ու թուլացած մնացորդները ստանում էին,
բնականաբար, քաղաքական վորոշ կշիռ ու նշանակություն:
Բագրատունիները, մանավանդ նրանք, վորոնք ապաստան էին
գտել Բյուզանդիայի սահմանամերձ լեռնային շրջաններում—Սպե-
րում, Տայքում ու Կղարջքում—և բարեկամություն էին հաստատել
կայսրության հետ, կարող էին այժմ առանձնապես վտանգա-
վոր լինել խալիֆայության համար: Ուստի և խալիֆ Հարուն ար-
Ռաշիդը (785—809 թ.թ.) հարկադրված յեղավ վարել նրանց հան-
դես մեղմ ու զիջող քաղաքականություն:

Հենց այս Հարուն ար-Ռաշիդի ժամանակ Բագրատունի
Աշոտ Մսակերը, Արձնիի կռվում սպանված Սմբատ սպարապետի
վորդին, կարողացավ մասամբ դրամով և մասամբ զենքով հաս-
տատել իր իշխանությունը Տայքում, Արշարունիքում, Շիրակում
և Առոցքում: Նոր գրավված այս շրջաններում Բագրատունի այս
ճյուղի կենտրոնը դառավ նախ Բագարանը, Ախուրյան գետի վրա,
իսկ հետո՝ «Երազգաւորք-Շիրակաւանը»: 806 թվին Հարուն ար-
Ռաշիդը կարգեց Աշոտ Մսակերին իշխան Հայաստանի, և այնու-
հետև Աշոտն իր նվաճումները շարունակեց ավելի մեծ հաջո-
ղությամբ:

Հայաստանում խիստ ուժեղացել էր այդ ժամանակ Մանազ-
կերտի ամիրայությունը, վորը գրավել էր Հայաստանի զգալի
մասը և նպատակ էր դրել իրեն հիմնել առանձին, խալիֆայու-
թյունից անկախ, մի մեծ պետություն և միացնել իր իշխանու-
թյան տակ նախարարական հայ յերկրները Վանա լճից մինչև
Արաքս գետը: Մանազկերտի ամիրաները, վորոնք ծագում էին
Ասորիքի կայսիտների արաբական ցեղից և հայ մատենագրու-
թյան մեջ անվանված են «Կայսիկք», ըստ յերևույթին, անհաշ-
տելի հակառակորդներ էին Իրաքի իշխող արաբական ցեղերին
և Արբասյաններին: Իններորդ դարի առաջին քառորդում սրանք
մի քանի անգամ ապստամբեցին Դավինի ու Պարթավի վոստի-
կանների դեմ, և Աշոտ Մսակերն ու նրա յեղբայրը, Շապուհը,
ոգտվելով նաև այս խռովություններից, կարողացան յետ գրավել
նրանցից ամբողջ Տարոնը:

Բագրատունիները և հայկական նախարարությունների զո-
րեղացման համար նպաստավոր յեղան նմանապես և գահակալա-
կան համառ կռիվները խալիֆայության մեջ Հարուն ար-Ռաշիդի

վորդինների՝ Մամուռի և Նմինի միջև 809—813 թվերին: Հայ նախարարները ժամանակին կարողացան անցնել Մամուռի կողմը և ոգուտ քաղեցին և այս յերկպառակույթյուններից:

Ներքին այս խռովություններից մի քանի տարի հետո, 817 թվին, բռնկվեց արևելյան Անդրկովկասում պարսիկ աղանդավորների մեծ ապստամբությունը Բաբելի առաջնորդությամբ, վորդ իրեն հուշակեց «Մահդի», այսինքն՝ աստվածային ելույթյան մարմնացում: Այդ ահավոր շարժումն ուներ միաժամանակ թե սոցիալական և թե ազատագրական բնույթ: Ապստամբները պահանջում էին, նման Մաղդակյաններին, գույքերի, հարստությունների և կանանց հավասար բաշխում և միևնույն ժամանակ նպատակ էին դրել իրենց տապալել արաբական իշխանությունը և վերահաստատել պարսկական նախկին աշխարհակալությունը: Բաբելը, վորդին հայ պատմագիրները անվանում են Բաբան, մոտ քսան տարի ահ ու սարսափի մեջ պահեց արաբներին և, ջարդ տալով անընդհատ նրանց զորքերին, տիրեց արևմտյան Մարաստանին, Համադանին, Աղվանքին և արևելյան Հայաստանին: Ապստամբությունը վերջնականապես ճնշվեց միմիայն 837 թվին, և Բաբելը, վորդին կենդանի բռնել եր Աղվանքի և Շաքեյի իշխան Սահլը, գլխատվեց Բաղդադում 838 թվին:

Բաբելի ապստամբության ճնշման ժամանակ խալիֆայության զորքերի հետ միասին կռիվներին մասնակցել էին նաև հայ նախարարներն ու նրանց զորքերը: Յեւ այսպիսով՝ նրանք ոգավեցին մեծ չափով նաև այս յերկպառակույթյուններից՝ ամբողջին իրենց քաղաքական դիրքերը և հնարավորություն ունեցան գրավելու նոր ու նոր շրջաններ և կալվածներ:

Ութերորդ դարի վերջերում Բագրատունիները և հայկական այլ նախարարությունները, 775 թվի մեծ ապստամբությունից հետո, ինչպես տեսանք, սկսել էին արդեն քայքայվել և գրեթե մահամերձ էին: Սակայն իններորդ դարի քառասնական թվականներին հատկապես Բագրատունիները վճռաբար կարողացել էին վերականգնել իրենց նախկին հզորությունը, այլև ավելի էին զորեղ, քան ութերորդ դարում՝ նախքան ապստամբությունը:

Այսու Մսակերի մահից հետո (826 թ.) Բագրատունյաց տոհմի տարբեր ճյուղերը տեղ էին դառել և իշխում էին թե իրենց հին կալվածների մեծագույն մասում և թե համարյա ամբողջ արևմտյան Անդրկովկասում:

Հիշատակութեան արժանի յեն մասնավորապես, բացի Բագրատունիներէ Շիրակի ճյուղից, նաև Կղարջքի ու Արտանուշի Բագրատունիները: Աշոտ Մսակերի հորեղբայրը՝ Վասակը, վորը 775 թվի ապստամբութիւնից հետո ստիպված եր փախչել Կղարջք՝ հիմնել եր այստեղ Արտանուշի իշխանութիւնը: Սրա հաջորդները կարողացել եյին նույնպես ընդարձակել իրենց իշխանութեան սահմանները և գրավել եյին Քուլավերը և Արդահանը: Հետագայում նրանք, տարածվելով Կուր գետի հովիտներով դեպի հյուսիս-արևելք և տիրելով հետզհետե ամբողջ Վրաստանին՝ հիմնադիր յեղան նոր հարստութեան Վրաստանում:

Ինչներորդ դարի առաջին կեսի վերջերին հայկական նախարարութիւնները, գլխավորապես Բագրատունիները և Արծրունիները, այնքան եյին ուժեղացել, վոր ձգտում եյին արդեն վերականգնել ամբողջութեամբ իրենց արտոնութիւնները և ընդլայնել ըստ հնարավորութեան քաղաքական իրենց իրավունքները և ներքին անկախութիւնը:

* *

Աշոտ Մսակերի մահից հետո (826 թ.) Հայաստանի սպարապետ կարգվեց նրա վորդին՝ Սմբատ Արլարասը, իսկ «հրամանատար» և «իշխանաց իշխան» նշանակվեց Բագրատ Բագրատունին՝ Տարոնի իշխանը: Հայկական նախարարութիւնները, ոգտվելով այժմ արաբական իշխանութեան թուլութիւնից՝ այլևս չեյին հանդուրժում Հայաստան ուղարկված կառավարիչների խստութիւններն ու բռնութիւնները: Նրանք դիմում եյին հաճախ խալիֆներին և պահանջում, վոր Հայաստան ուղարկվեն իրենց ցանկացած մարդիկ: 840 թվին, որինակ, հայ նախարարները Սմբատ սպարապետի գլխավորութեամբ ստիպեցին խալիֆ ալ-Մուտամիդին յիտ կանչել նոր նշանակված Սալիդ վոստիկանին և թողնել այդ պաշտոնի մեջ Ալիին: Այս վերջինը, վորին նրանք անվանում եյին «եթիմ», այսինքն՝ վորք, ցանկալի յեր նրանց իր թուլութեան և մեղմութեան պատճառով:

842—847 թվականներին, ալ-Վատեկի խալիֆայութեան ժամանակ, ամբողջ Հայաստանը, ինչպես վկայում են արաբական աղբյուրները, գտնվել ե շարունակ խռնակ ու ապստամբական շլիճակում: Այդ աղբյուրների վկայութիւններից դժվար չե նաև կուանել, վոր Բագրատունիները, ինչպես և Արծրունիները, տես-

հելով խալիֆայության ռազմական ու քաղաքական տկարությունը՝ ուղեցել են, ըստ յերևույթին, հետևել հարևան մահմեդական ամիրայություններին որինակին և աշխատել են ազատագրվել արաբական տիրապետությունից: Սակայն շուտով յերևաց, վոր նրանց այս հույսերը վաղաժամ ելին:

847 թվին խալիֆայության գահը բարձրացավ Մութավաքիլը (847—861 թ. թ.), վորը, վարում եր վճռական ու հաստատակամ քաղաքականություն: Իր իշխանության հենց առաջին տարիներում նա նպատակ եր դրել իրեն, ինչպես վկայում ե թովմա Արծրունին (II, գլ. Ե), ճնշել և պատժել ըմբոստ հայ նախարարներին:

849 թվին նա ուղարկեց Հայաստան Արուսեթին իբրև վերակացու և հարկահավաքման գլխավոր: Յերբ սա մոտեցավ Տարոնի սահմաններին՝ իշխանաց իշխան Բագարատը, տեսնելով վոր Արուսեթն ունի իր հետ հզոր դորաքանակ՝ շտապեց վճարել նրան ամբողջ հարկադրումարը և խնդրեց, վոր նա ներս չմտնի իր դորքերով Հայաստան: Թովմա Արծրունին վկայում ե, վոր Մութավաքիլը և Արուսեթն ուղեցել են զրկել իշխանությունից հատկապես Բագարատին և Աշոտ Արծրունուն: Սակայն յերբ Արուսեթը տեղեկություն ստացավ, վոր Բագարատն ու Աշոտը դաշինք են կնքել և գործում են միասին՝ նա խուսափեց կռվից և վերադարձավ Բաղդադ: Նախ քան հեռանալը՝ նա թողեց վորպես փոխանորդ և Հայաստանի կառավարիչ ու հարկահավաք Մուսեյին, վորը ստորին Աղձնիքի և Արզն քաղաքի ամիրան եր և Բագարատի քրոջ ամուսինն եր:

850 թվին Մուսե ամիրան, վորը կռված եր իր աներձագին հետ՝ մտավ իր դորքերով Տարոն իբր հարկահավաքման համար: Բայց Բագարատին ոգնության հասավ անմիջապես Աշոտ Արծրունին, և Բագարատը Վասպուրականի դորքերի ոգնությամբ ախպիսի ջարդ տվեց արաբներին, վոր Մուսեն հաղիվ կարողացավ իր գլուխն ազատել: Տարոնի այս կռվից դեռ առաջ Արուսեթն ուղարկել եր նաև Վասպուրական հարկահավաքման հազարապետ Ալա Ծովափիին, վորը Մանազկերտի «Կայսիկը» կոչվող ամիրանների տոհմիցն եր: Սա, հաստատվելով Աղբաղում, ասպատակել եր Վասպուրականի զանազան շրջանները, մատնելով յերկիրն ավերածության և կողոպուտի: Բայց Աշոտ Արծրունին մեծ ջարդ տալով նրան՝ դուրս եր քշել Վասպուրականից:

Զայրացավ Մութավաքիլն այս անցքերը լսելով և նորից

ուղարկեց Հայաստան Արուսեթին, հանձնարարելով նրան ձերբակալել Բագարատին և Աշոտին: Արարական զորքերը, ներխուժելով Տարոն և Վասպուրական՝ պետք է վերացնեյին առաջին հերթին հայկական այս իշխանությունները: Արշավանքի ժամանակ, դեռ Հայաստան չհասած՝ ճանապարհին մեռել եր Արուսեթը: Ուստի և վոստիկանության սրա պաշտոնը և վերոհիշյալ հանձնարարությունները տրվեցին վորդուն՝ Յուսուֆին:

851 թվին Յուսուֆը մեծ ու ընտիր զորքով յեկավ նախ Վասպուրական և բանակեց Արծրունիների Ադամակերտ վոստանում: Այստեղից նա ուղարկեց յերկրի զանազան կողմերն ասպատակներ և միաժամանակ հրավիրեց իր մոտ Աշոտին ու ուզեց նրան խաբելությամբ ձերբակալել: Բայց Արծրունյաց իշխանը, վորին հայտնել էյին այդ մասին, վերցրեց իր ազատագործը և հեռացավ Մարդաստան:

Շուտով Յուսուֆը հաշտություն և խաղաղություն հաստատեց Աշոտի հետ և, վերցնելով նրանից պատանդներ ու ապահովելով իր թիկունքը՝ յեկավ Սլաթ: Բագարատն այժմ ինքն իրեն եր թողնելված: Ինչպես վկայում ե Թովմա Արծրունին (Գլ. II, գլ. 2), Յուսուֆը հայտնեց Բագարատին, վոր ձմեռվա ցրտերի պատճառով ինքը շտապում ե վերադառնալ արքունիք և ուզում ե Հայաստանի իշխանությունը նրան հանձնել: Տարոնի իշխանը, վոր խաբվել ու յեկել եր նրա մոտ, շղթայվեց և ուղարկվեց Մամառա, ուր գտնվում եր Մութավաքիլը:

Այնուհետև Հայաստանի զանազան կողմերն ուղարկվեցին կուսակալներ, վորոնք ամեն տեղ մեծ անգթություններ գործեցին: Իսկ Տարոնում արարական զորքերը մեծ թվով գերիներ վերցրին և նրանց մի մասը չնչին զներով ծախեցին Ասորիքում ու այլ յերկրներում և մյուս մասը պահեցին Մուշ քաղաքում, վոստիկանի ու իրենց ձմեռանոցում՝ վորպես ծառաներ: Գարնանը նրանք մտադիր էյին սրի ու ավերածության մատնել ամբողջ Հայաստանը, և վճել էյին, վերացնելով հայկական իշխանությունները՝ հաստատել յերկրում իրենց անմիջական տիրապետությունը:

Հայաստանի դրությունը դառնում եր այժմ նույնքան աղետալի, ինչպես և ութերորդ դարի վերջերին: Վտանգը սպառնում եր դարձյալ վճռյալ միայն նախարարական իշխանական դասին, այլ ամբողջ հայ ժողովրդին: Ուստի և այժմ ևս տարբերային կերպով բռնկվեց ընդհանուր ապստամբություն, վորն ուներ, ինչպես և

775 թվին, ազատագրական ընույթ: Այս մեծ ապստամբությունը, հատկապես Տարոնում տեղի ունեցած անցքերը 852 թվին՝ մանրամասն նկարագրված են Թովմա Արծրունու մոտ և հիշատակված են նաև արաբական աղբյուրներում:

Թովմա Արծրունու համապատասխան այդ վկայությունը մեջ եւ բերում առանց կրճատումների:

«Այն ժամանակ,— պատմում ե Թովման,— լեռան ընակիչները, տեսնելով վոր իշխանին դերի տարան և վոր իրենց ևս նույնը պիտի վիճակվի, ինչ վոր դաշտեցիներին՝ յեկան միասին խույթի մեկնակազենների բազմությունն արվեստագիտության իրենց ռազմամիջոցներով, վոր ձեռք եյին բերել ձմեռային ինքնապաշտպանության կարիքների համար: Նրանք վերցրել եյին իրենց նիզակները, վոր միշտ կրում եյին, զգուշանալով անտառների վորջերում գտնվող զաղաններից կամ իրենց վրա հարձակվող թշնամիներէ: Գրոհ տալով քաղաքի [Մուշ] վրա ու պաշարելով նրան՝ նրանք սրի մատնեցին և կոտորեցին զորքերը, ազատեցին բանտից Վասպուրականի պատանդներին, արձակեցին գերիներին և բաժանեցին իրենց մեջ թշնամու թալանը»:

[«Յայնժամ ընակիչք լերինն իբրև տեսին, թէ վարեցաւ իշխանն ի գերութիւն, ինքեանք պատրաստեալ են զնոյն փարշմանն կրել զոր դաշտայինքն կրեցին՝ հասին միաբան բազմութիւնն մեկնակազէնքն խույթայ ի հնարս արուեստագիտութեանն իւրեանց, զոր ի պէտս օժանդակութեան ձմեռայնոյ հնարաւորեալ էին: Եւ բարձեալ աշտեայս հանապազակիրս ի պատրաստութիւն գաղանացն որ ի մայրիսն որջանան, կամ թշնամեաց ի վերայ հասելոց, և եկեալ ի վերայ քաղաքին պաշարեն զնա, և զգորսն մատնեն ի սատակումս սրոյ, և զպատանդսն Վասպուրականի հանեն յարգելանէն, և գերեացն ընդարձակեն, զկապուտ նոցա բաժանեն յինքեանս»]¹:

Իր այս վկայության շարունակության մեջ Թովմա Արծրունին նմանապես հաղորդում ե, վոր Սասունի լեռնականները, վորոնք հարձակվել եյին արաբական զորքի վրա խույթեցի Հոֆնանի

¹ «Թովմայի վարդապետի Արծրունուոյ, Պատմութիւն տանն Արծրունեաց», հրատ. Պատկանյանի, Ս. Պետերբուրգ 1887, Դպր. II, գլ. Է, եջ 119—120:

առաջնորդությամբ, այս կռիւում սպանել ելին նաև իրեն՝
Յուսուֆ վոստիկանին:

Առանձնապես ուշագրավ է, վոր ապստամբած սասունցիները, ինչպես յերևում է Թովմայի վկայություններէց, վնչ թե «ազատ»-ներ կամ ազնւականներ ելին, այլ պարզապես ումիկ գյուղացիներ:

Նրա հաղորդած տեղեկությունները Խութեցիների մասին այնքան կարևոր են ու հետաքրքիր, վոր կարևոր եմ համարում մեջ բերել ամբողջությամբ:

«Այստեղ համառոտ կերպով կտամ,—ասում է Թովմա Սրժերունին,— լեռան բնակիչներին կարագիրը՝ թե ինչպիսիք են և կամ ովքեր են, կամ ինչ կերպ նրանք ծանր աշխատանքով և սաստիկ տառապանքներով հայթայթում են իրենց ապրուստը և բավարարում իրենց կարևոր պետքերը: Նրանց բնակությունները գտնվում են խոր ձորերում, լեռների փապարներում, անտառների թավուտներում և լեռների գագաթներում: Ապրում են ազգատոհմերով և այնքան միմյանցից հեռու չեն, վոր յեթե զորավոր տղամարդկանցից մեկը բարձր տեղից ուժգին բղավե, նրա ձայնի բոմբոլունը հազիվ կարող է վորեւ տեղ լսվել, և տպավորություն է գործում, իբր թե արձագանք է ժայռերի միջից: Նրանց կես մասը խոտորել է հայրենի բնական լեզվից, վորովհետև հեռու տեղեր են բնակվում և միմյանց հետ շփում չունեն. խոսում են իրար հետ կցկտուր ու ոտարոտի լեզվով: Յեւ այնքան խրթնախոս են և իրար անծանոթ, վոր մինչևիսկ պետք ունեն թարգմաններ: Իբրև սնունդ գործադրում են դանազան ընդեղեններ, գլխավորապես կորեկ կոչվող բույսը, վորը սովի տարիները վոմանք անվանում են հաց: Կորեկը նրանք վոռոգում են վոտքերով (°) անտառների բաց տեղերում կամ ցանում են յերկմատանի փայտատներով: Իրենց մեղկությունը ծածկելու համար հազնում են բրդեղեն շորեր. վոտնամանները պատրաստում են կոշիկների ձևով այծերի մորթից: Թե ամառը և թե ձմեռը բավարարվում են միևնույն սնունդով և միևնույն հագուստով»:

[«Աստանօր սակաւուք բացայայտեցից զորպիսութիւն բնակչաց լերինն. թէ զիմբդ կամ ճրպիսի ոք են, և ճրպէս հարաւորեալ յապրուստ անձանց վճարեն զկարևոր պէտս»

իրեանց լի աշխատութեամբ և սաստիկ տառապանք, և բնակութիւն նոցա ի խորածորս և ի փապարս լերանց և ի պրակս մայրեաց, ի գագաթունս լերանց: Եւ բնակեն առանձին ըստ տունս աղգաց, և այնչափ ի բացեայ են ի միմեանց՝ մինչ թէ ոք յարանց զօրաւորաց ի բարձրաբերձ տեղեաց ուժգին խանչիցէ՝ հազիւ թէ ուրեք կարիցէ առնուլ զըմբիւն ձայնին, իբրեւ ի վիմաց ինչ արձագան լինելոյ կարծիս բերելով. և կէսքն վրիպեալք ի բնական հայրենի լեզուէն, յաղագս հեռաբնակ լինելոյ և անհամբոյրք միմեանց հանդիպեալք, և խօսս միմեանց եղեալ կարկատուն մուրացածի բանիւք: Եւ այնքան խրթնի անծանօթք պատահեն առ միմեանս, մինչև թարգմանաց անգամ կարօտանան. և զպէտս կերակրոցն վճարեն ի սերմանց ինչ, առաւել ի կորեակ կոչեցեալ սերմանէն, զոր ոմանք ի սով ժամանակի հաց անուանեն. և զնոյն ոռոգեալ ոտիւք ի միջոց պրակացն, կամ երկմատնի փայտատովք սերմանեալ. և է զգետ նոցա ասուիս ի ծածկոյթ մերկութեանն, և օդ ոտիցն հնարաւորեն դձև կաշկաց, ի մորթոց այծից կաղմեալ, և միով կերակրով և միով հանդերձիւ բաւականան դամառն և զձմեռն»¹:

Թովմա Արծրունու այս վկայութեան մեջ, ինչպես տեսնում ենք, խիստ հետաքրքիր տեղեկություններ են հաղորդված Սասունի բնակչութեան մասին: Այդ տեղեկություններից յերևում ե, վոր մինչևիսկ իններորդ դարում խութեցիները գտնվում եյին գետնտեսական ու սոցիալական նախնական վիճակում՝ ապրում եյին աղգատոհմերով և ունեյին յերկրագործական հետաքննաց տնտեսություն:

Ուշագրաւ ե մասնավորապես, վոր խութեցիների մի մասը խոսել ե, ըստ յերևույթին, վնչ թե հայերեն, այլ ինչ վոր խըրթին ու անհասկանալի լեզվով: Թովմա Արծրունին մեջ բերված վկայութեան շարունակութեան մեջ այդ լեզուն համարում ե «խրթնի և անհետազոտելի» և այդ լեզվով խոսող ապստամբներին անվանում ե «գռեհք Ասորոց»: Հենվելով սակայն նորագույն ուսումնասիրությունների վրա՝ կարելի յե ըստ իս ամենայն հավանութեամբ հետեցնել, վոր դրանք վնչ թե ասորի գռե-

¹ Տե՛ս «Թովմայի վարդապետի Արծրունեոյ, Պատմութիւն տանն Արծրունեաց», հրատ. Պատկանյանի 1887, Դպր. II, գլ. է, էջ 120—121:

հիկներ եյին, այլ, հավանորեն, խաղեր կամ ուրարտացիներ, վորոնք, ինչպես հայտնի յե, ձուլվել եյին հետզհետե յեկվոր արմենների հետ և համարվում են, ինչպես և արմենները, հայերի նախնիքները։ Թովմա Արծրունու վկայությունը խիստ արժեքավոր ե, վորովհետե ցույց ե տալիս, վոր հին խաղերի մնացորդները պահպանվել եյին մինչև իններորդ դարը լեւոնային Սասունում։

852 թվի ընդհանուր մեծ ապստամբությունը, վորը պարզապես ժողովրդական-ազատագրական բնույթ ուներ, ճնշվեց դժան ու անողոր խստությամբ։ Մռթավաքիլն ուղարկեց Հայաստան մոտ յերկու հարյուր հազար թրքական և արաբական զորք Բուղայի առաջնորդությամբ, վորը սրի, գերության ու ավերածության մատնեց ամբողջ յերկիրը և, ամենից առաջ, չարաչար պատժեց Տարոնի և Սասունի բնակիչներին։ Հայ նախարարները և գլխավորները կալանավորվեցին և ուղարկվեցին Սամառա, ուր նրանք, փրկելու համար իրենց կյանքը և գույքը՝ գրեթե բոլորն ընդունեցին մահմեդականություն։

Բուղայի արշավանքից հետո՝ նախարարական Հայաստանը, վորը սոսկալի հարված եր ստացել, թվում եր, վոր անկարող կլինի ուշքի գալ և վերակենդանանալ։ Սակայն շուտով, ինչպես և 775 թվի ապստամբությունից հետո, նա վճռեց միայն կարողացավ վերականգնել իր նախկին հզորությունը, այլև ունեցավ տնտեսական, քաղաքական և կուլտուրական բուռն և անորինակ վերելքի շրջան։

Իններորդ դարի յերկրորդ կիսին սկսվեցին Բյուզանդական կայսրության հաղթական արշավանքները Հայաստանի սահմանամերձ հարավ-արևմտյան շրջաններում, և խալիֆայությունը, վորը շարունակ պարտություն եր կրում, հետզհետե թուլացավ և գլխից դեպի անկում։

867 թվին դահ բարձրացավ Բյուզանդիայում Մակեդոնիայից Պոլիս յեկած Բարսեղ անունով մի հայ։ Սա մինչ այդ բյուզանդական արքունիքում խնոռապան եր և իր գեղեցկության պատճառով պալատական կանանց առաջին սիրելին եր։ Գերմանական գիտնական Հ. Գելցերը իր «Բյուզանդական կայսրների պատմության» մեջ ստույգ ե, վոր Բարսեղ Ա. կայսրը (867-886թ.)՝ Մակեդոնական գիմնաստիայի հիմնադիրը՝ «այն հանճարեղ ու անսահման ուժեղ բնավորություններից եր, ինչպես Սուլթան, Թեո-

դորիւնը, Խլոդովիւնը և Նապոլեոն Աւր¹: Հենց այս Բարսեղն էր, վոր քայլ առ քայլ ջախջախիչ հարվածներով վռնչացրեց արարների պաշտպանողական ամբարցած դիրքերն արևելյան սահմաններում և կարողացավ ներխուժել Միջագետք: Հաղթական այս առաջխաղացման ժամանակ նախարարական Հայաստանի կողմնորոշումը ստանում էր, բնականաբար, խիստ կարևոր նշանակութիւն: Ֆրանսիական զիտնական Լորանի կարծիքով² Բարսեղ Ա-ի հաղթութիւնը կլինէր լիակատար, յեթե հայերը ևս հարձակվեյին արաբների աջ թևի վրա և ոգնեյին նրան մտնելու խալիֆայության կենտրոնական յերկրները: Հայաստանի ստրատեգիական սպառնական այդ դիրքային դրությամբ և բացատրւում, Լորանի կարծիքով, խալիֆայության քաղաքականության կտրուկ փոփոխութիւնը հայ նախարարների և հատկապես Բագրատունիների հանդեպ: 885|6 թվին Աշոտ Բագրատունին ստացավ խալիֆ Մուտամիդից (870—892 թ. թ.) թագ և թագավորական տիտղոս: Սկսվեց ֆեոդալական Հայաստանի արագ վերածնութիւնն ու զորեղացման մի նոր շրջան, վոր տեւեց մինչև սելջուկյան արշավանքները:



Handwritten signature in purple ink.

¹ Տես Մեսրոպ Տեր-Մովսիսյանի հայերեն թարգմանութիւնը, Ազմիածին 1897, էջ 194:

² Տես «Հայաստանը Բյուզանդիայի և Իսլամի միջև» (Փրանսերեն), Փարիզ 1919, էջ 260 և այլն:

ՀԱՆ ՀԻՃՆԱՐԱՐ ԳԻՒՄ. ԳՐԱԴ.



FL0392677

ԳԻՆԸ 2 ՈՌԻԷԼԻ 50 ԿՈՊԵԿ

(20/-)

269
1005

Академ. Я. А. МАНАНДЯН.

**НАРОДНЫЕ ВОССТАНИЯ В АРМЕНИИ
ПРОТИВ АРАБСКОГО ВЛАДЫЧЕСТВА**
ИЗДАТЕЛЬСТВО ЕРЕВАНСКОГО ГОСУНТА